

湘綺樓日記

湘綺樓日記

光緒二十六年庚子

庚子歲春正月甲辰朔風雨晏起至辰正乃出客廳受賀喫年餠吳翔岡長子來云到省廿六年矣少坐而去船轎已費二千文宜其告窮客去少睡至夜寒寂早眠無夢

二日晨雨少止早飯待船渡湖入涌金門一馬三夫馳步城中唯臬署未往餘皆到門又遍詣同鄉七品以上官唯蕭李齊三宅得入時猶未晚正轎夫告勞乃出城待李生來仍渡湖還風雨總至楊叔文旋至衣韞盡溼留宿夜談至三更

三日風雨喻遣叔文早歸辭以遠志以天下爲己任乃成哥會白教亦可異也鮑通判家鼎字叔衡招同砥紱滿舟僧游淨慈大雨步至寺門全非昔觀僧雪舟知客慧心出迎入內寮少坐軒堂皆新修頗有花石感

舊欲題旋出齋供飯罷同還雨勢仍濃

四日陰風晏起遇鮑通判出示藩札院函瀝陳苦況云當向偏心解釋之
金縣丞來始知康孽均聚於浙詭祕昌狂蕩無法紀時文習氣掃地盡
矣夜寒早眠

五日戊申立春晴湖水盡冰午後大風彭荔樵趙盤西王蓋臣

知府

沈子

谷

通判

秦心泉

令

齊心甫

丞

章六衡

令

徐

樹淵

令

曾季鏞蕭伯康李鳴

九二瞿率四子先後來齊瞿李均喫餅而去齊更喫飯幾竟日也同看
和尚並言揭帖由郵政代送律不能禁之敝使筠仙在不知又作何議
論大要西法與宋學有妨王子明不能報國也

六日晴冰吳錢塘

殿英

毛漸鴻

輔

軒

舊

未入傳澤鴻知府

少卿

景韓蔣知

縣本鑑

鼎丞

陳仁和吉士

希賢

來遂竟一日幼梅送丁氏叢書來看十

餘本坐至三更

人日晴午後陰早起待彭荔樵船約游雲棲辰正彭來同飯烹鴨被狗盜
乃無鮭菜白飯而已自雷峰上李生同行馬不能追中道而返葉同知
元芳祖香齊心甫俱同游續至從叢冢中出江邊踏沙行共十餘里小
惕梵村折西行數里入山山不甚奇唯修篁夾徑可數萬竿雖不及樟

寺幽深亦湖上所罕見但頻煩御蹕則僧緣耳看董玄宰手書金經

字體不能一律題款庶吉士是少作耳題者皆云墨寶亦殊不然齋罷

遂行葉丞自六和塔東分道去四人同至淨慈傍停舁余下船獨還道

中見二古樹得詩一首

鳳竹連三里鸞輿記十巡劫灰餘舊寺人日探
新春避客僧非俗留齋主卽寶歸途指江樹曾

拂屬
車塵

八日晨起始知夜雪草樹盡花俄而消盡吳季澤知縣來趙盤西來云丁

機師將請一飯謝以無暇要趙同游蘇堤趙以余未朝食榜船酒樓旁

乃先檣湖心亭鄂僧迎客訴滿舟奪己香火憐其孤貧贈以二角自行

宮步至俞樓復還至聖因循隄西上至段橋上船趙與紱砥至張曜祠
余坐待同還分船各歸夜看武林叢書自昨日起已畢四十八本

九日陰笠樵書來言事有雨看陳雲伯閨詠詩五百首

十日晨雨未飯掉小船渡湖李生從至城門遇瞿轎來迎補訪同鄉僅見

秦趙行過旗城貢院頗爲曠寂至蕭宅早飯曾七郎與伯康同設酒坐

客李生瞿李趙晡至箭道巷葉祖香宅午飯坐客郭文翹海寧夏經生

三葉一李及荔樵皆候補丞令未昏散仍掉小船還未待李生

十一日晴寒晏起聞李生還且有客乃起譚乙舟從孫字建侯

歷經來云

在此廿年從宦因官此初不知乙舟從子發財因此憶前奏案朦朧可

樂齊心甫約游武林山遣兒來迎乃與俱去櫟舟茅家步與紱砥俱笠

樵亦至入山可三四里便至靈隱小坐啜茗出登叟光舁夫不肯上令

客皆步可二百級

趙盤西亦至
從右

至菴小坐看金蓮池再上鍊丹臺蓋白香

山遺迹後奉呂道士云可見江余仍僅見湖耳下看羅漢堂出惕冷泉
亭壑雷亭泉流不甚響云雷細矣蟲雷耳邀入喫飯步出看呼猿洞一
線天僧送至大道乘舁至下天竺前記云在靈隱隔山誤也乃旁徑耳
一澗東流澗北三寺相去可里許至上寺則山徑窮乃當路建一寺也
皆毀於兵火新修無財力僅支門面疾馳而還不從先路於普福寺分
歧向南徑可三里許到茅步諸君入城余與絨砥坐原船還三潭

十二日大晴胡鹵生來秦進士家穆來三次始一見幼梅盤西來梁新學
來言公法蓋欲探我宗旨答以不忘名利者必非豪傑尙不屑教以思
不出位也蓋能忘名利又當思不出位而初學必自孟子所謂大丈夫
者始要槃西同游蘇隄絨砥並從龔子勛向曉渠唐壽臣便衣來自壓
隄橋步上過高莊訪花港因至于墳還寓喫茶槃西徑去

寺門雪石秀
雲椒翠竹寒

松蔭瀑橋幽澗泉分千宇水上方晴見午時潮
偈市御輦來頻記塔標聞道伏龍春未起北峯吟望海天遙

十三日晴朝食後渡湖遇傅少卿僕人來催卽令先去聞會館不遠步入城可一里許方至就對門照壁後易衣冠而入鄉人半集矣北省有胡蔭森李繩祺兩太尊湘人有管定武李鳳來兩武官值年有傅少卿王蓋臣顏義軒觀察有二李一郭集芬輔卿進士加捐餘不悉記熟者二瞿李蕭曾金團拜後設十席圍鼓以余爲客與張鄒胡同席鄒云四十前於受菴京寓相見申正散待轎而出小坐帳房張潤階從九送茶與二瞿李生步出辭李令去同瞿看故衣挑得九件後市街成裕典頗倦乃還芷完還家海漁同渡湖

十四日陰秦進士來謁師遂同朝食張營官寶源來見言劉撫軍政飯後坐秦船至淨慈瞿李絨子皆從覓趙槃西不得乃問路先行未數武趙齊轎馬皆在後相呼昇從赤山步上石屋嶺看三洞復從山道行旁皆石山石樹幽曲可五六里至理安寺寺在山中叢碧四圍亦勝雲棲登

叢青閣廢趾云 憲皇讀書處槃西設齋蒸羊杯盤甚盛飽喫饅頭從人未食與海砥步出從右徑入山留紱待齊趙告以往龍井樵人云山路難識至石橋再問樵人指令入山循毛路渡十八澗便至龍井山游皆登陟此則下坡尤爲不勞甫渡十五澗昇從追來遂至龍井寺寺僧亦無市氣淪茗汲泉摘芹而返從大道至湖濱待齊紱不至頃之齊來云紱先歸矣其可惡如此舍昇登舟至月老祠復啜茗而出要齊趙同至三潭較牌海漁湊局夜分喫粥兼作湯餅丑初各睡

十五日陰龍名晃妹夫來云自江寧峴莊已去遣呼渡舟來與客及寓人同入城唯戴僮不去譚於潛從歸安來拜年因招游浙江設席江山船上渡湖至岸紛然各去余被昇從城旁循城南行過清波鳳山候潮三門至江干市集頗盛上船則瞿芷完彭荔樵龔子勛先在譚聘臣爲主人船主陳和尚有女四人小者十歲長廿許殊無可取但浪費耳移船

海潮寺不得上復移船步更招二妓轟飲至夕散還船已昏暮絨子久待砥卿不來周姬先歸矣雨淒淒至無月無鐙亦無節禮未二更遂睡得功兒前月書並爽良一書未知何人

十六日雨李襲男初無赴書忽然猝至蔡子庚來拜會以其與曾紀春

元熙

來未能罵之秦門生來請飯謝以未暇世振之都轉來鄒巖州元吉賀年孫來鄒卽會館敘舊者也談貴州事甚推李蟠戰功及高潔過雪琴云九龍大王妻復讎蟠一戰摧之遂降百砦肅清千里歸隱屠肆授總兵不拜奇人也欲作李挽聯未得詞意僕從俱入城無人具食徘徊久之忽成一聯曾滌公不能過也

時事積艱危申甫再生猶有憾鳳山望

江隔岸有山平頂如覆銀錠云是龜山外爲鼈子門巖然有異諸峰夜

雪

十七日雪雨並作字數幅遣方僮廖傭俱入城至午始朝食又無鮭菜

房嫗亦病不能下樓竟日清靜夜作大聖壽詩

十八日陰齊甥早來蔣知府德璜

字玉璜

來面請兼要同渡令李生買紙送

人齊甥舍昇昇我入城詣世振之暢談旋上吳山李鳴九王蓋臣徐蘭

生章六衡及蔣設一席曾季容陪張範臣游擊

寶源

設一席招李幼梅

瞿彭等陪大會趙公祠至戌散到寓初更矣

十九日晴閭肖巖龍翰卿來已朝食矣閭話不休因與同船入城笠樵少

笙均遣轎來迎坐彭轎至彭宅小坐上吳山再尋舊游從感花巖上

先看紫陽洞望江因至城隍祠看城中無復黑氣喜休息也李宅再遣

昇迎與溧樵同往二瞿曾季融先在砥絨均至心甫後來談撤差事景

韓送信來遣送船錢飯後與海漁同步看舊書無可買者日欲晚出城

船在柳洲卻南行二里許鼓棹而還發船錢一枚

廿日癸亥雨水陰晨作字十餘紙彭笠樵金詠莪趙槃西吳季澤吳翔岡

子鮑廷爵秦門生來唯趙同朝食蘇三來發行李坐擗子先渡湖趙砥
同步入城看估衣此間曰滿衣挑得廿餘件唯裙最貴竟至廿餘千可
怪也日已西斜同至瞿海漁處衣韉已至云行李已畢上船乃至撫署
辭景韓略言公事會館小團拜待久矣傳沈蔣曾彭爲主人余與二李
鄒嚴州李進士季融同坐戊散還船吳季澤蔡子庚及絨子同來心甫
後至坐過二更乃去余作三書與撫臬幼梅皆爲關說

廿一日晨起最早待趙槃西不至遣買綾聯挽陳養源

梅治記相達駭浪
十年咫尺無緣重

把臂柏臺疑有冠白衣
三會孤覺失怙最憫君

龍名晃齊世兄來送禮槃西來看寫字吳季

澤蔡子庚來余未朝食要槃西同上避客步至衣莊旋上吳山小坐石
闌金僕來覘知槃西遂去余入趙祠龔子勛胡鹵笙唐壽臣金詠莪賀
惠孫爲主人齊心甫後亦同餞先寫字九紙砥絨來同就席西初散步
出城隍牌樓誤從采霞陴旋繞一里許問知從過軍橋出城頭巷遇彭

瞿趙曾李蕭砥紱瞿九亦至俱欲送至船力弊不聽唯彭肯回紱亦留城中餘皆踵至蔡吳復來李大人又至知縣少散李坐甚久乃去瞿李等復集已而告去趙吳留坐譚建侯求題李西涯詩冊無可著筆乃以致仕不歸爲由牽扯近時兩一品以爲談柄發船錢四枚

廿二日晴寫字數幅齊兒及其婦翁龍翰臣來吳瞿趙蕭鮑龔子勛李少笙來送行撫臺來皆散景韓似有明白氣惜余將行矣王明望來求差瞿子完來送衣箱及譚進士二百元猶以爲未足移船太平街邀槃西至丁日新機房取錢並謝步拜年上船復移過埧不由來時故道別出登雲橋遂泊拱宸蔡子庚來初以爲彭齊必在及至無人唯吳瞿相送邀槃西同行四老少戴僮均留此覓食餘仍來人夕食後步上夷場夜往聽戲齊心甫來芒芒未食云出城三次矣命子庚陪至飯館

玉和余

同槃西瞿吳砥入陽春園池心坐頃之齊蔡亦來十二鐘散有旦演悲

哭狀頗真同還船宿心甫自借宿黎寓趙李先睡余陪吳瞿較牌子庚
入局鷄三號乃罷寅正矣發船錢五枚犒賞四角

廿三日晴昨夜眠遲醒已辰正客猶斲也槃西已登岸余亦上岸尋之還
賴畢三客乃起待飯未來又半較乃朝食吳瞿蔡呼船去余舟卽發午
初矣夕泊唐樓發飯錢一枚

廿四日晴煊行舟滿川余船始發朝食後酣眠醒已未初便至石門補作
初到雪詩夜泊雙橋

廿五日晴作字一紙過嘉興未議欲更進船人怯盜劫乃宿角里街發飯
錢一枚

廿六日晴飯後至平湖泊西門外入城尋文心家云在江月衛及至乃醬
園弄也聲轉字雅渡橋便至張家正門不開房舍頗整文心出見兩子
一孫均出衣冠拜海門師神牌又拜文心夫人禮畢坐談文心苦聾未

能暢達遣其孫上船要槃西砥卿同來各喫鰕麪同至張家舊屋看嬰
山還已將夕明鐙晚飯文心設三榻待客入客房看其公羊記疑及臆
說皆非鹵莽語子初請息又獨看包世臣一雙三四書丑初眠發船錢
二枚

廿七日晴晨要槃西砥生還船文心踵送旋去卽解纜文心說此大鹵也
據言敗狄是在狄地狄在大鹵無大原名時中國通謂狄爲鹵夜至嘉
興城外未能登岸俄而微雨發船飯錢二枚

廿八日陰大風復寒朝食後船傾側不進登岸小步六七里至王江涇乃
上船復纜行卅里泊平望夜復微雨書扇三柄

廿九日雨東風宜帆破帆無風亦能強進榜人欲橫吳江促之使發作字
二副申過五十三空橋槃西云八月十五鐙船羣戲於此夜泊盤門槃
西入城砥率僮丁看戲微雨

二月己卯癸酉朔陰風寒晨呼傭起船人笑云城中俱未開門早起無益

遂不復呼已而趙嶼秋知州

謹琪

來槃西兄也一船俱睡駐客久之乃

延入云當泊胥門以衛參促之去乃移船沿城根行泊行臺前十二年
前舊泊處也風景依然飯罷槃西及其弟季瑩謹琇來云城中尙早無
物可買待午初遣周嫗至會館李生至程公館偕其管事劉姓來余試
入城尋舊游因訪朱竹石朱移釐局初未識路直東北行可四五里至
釐局門者辭以有客遂還過橋百許步復來請仍還晤竹石快談三刻
許藩臺來辭出從故道詣答嶼秋至會館門者故識我迎謁甚親敬槃
西出云其兄未還留麪而歸誤從東行至吉利橋乃悟仍西行出城劉
生尙在未飯而去殷孫來正欲尋之索名條令去已而送程儀果鴨責
以不應令持去乃强委而去槃西復來周嫗亦上船云玉器無佳者期
以明日槃西旋去夜稍煖三更睡

二日陰朝食後周嫗步上砥往百花巷尋蔣生云欲師我者頃之還言往
上海矣嶼秋具船要游鄧尉並要李生同游襍被往帆行頗駛至木瀆
欲要王小吾同知乘忠導游王辭以疾以羅藻香代行亦以被來雨意
甚濃知不可前乃勸主人還舟夜抵胥門雨泥霑濘矣還船少坐嶼秋
入城槃西復來宿看玉釧繡裙

三日雨朱竹石書來送程儀百元報書受之兼爲趙嶼秋殷敏關說來往
竟未至程生宅令李生以其舁來迎兼看費妃懷至桃花鵑費已赴宴
何其暇豫俞蔭甫所謂蕭蕭壻水者不足憂耶復過竹石云吳糧道望
見我以爲仙風道骨余聞甚喜大王卽升玉皇不算恭維者也出訪文
小坡行甚遠而云外出乃過程生公館看其幼孩甚可喜還船作書與
景韓文以書來迎不能去矣夜雨甚寒發船錢二枚

電擊沈編修夜至感作一首凄風

微雨望閨亭岸柳新黃薺麥青名邵望衰金寶盡皋橋客去廡春停春風惻惻燈將燭夜舫搖搖酒半醒聞道未央誓五噫幾從寥廓賦焦冥

四日晴船不欲行余亦逗留槃西昨來宿今遂不至李生上岸朝食前後甚岑寂竹石來送行就行臺延之小坡復來迎亦未能報午後閒行岸上遇三鄉人皆丑年往還者特來相訪上船敘談竟不知其姓字久之一人自言鳴九之弟一人言湘陰事知是湘陰人一人則不能知之客去槃西暮來問知湘陰人爲鍾瑤階一人仍不知嶼秋被檄往無錫移船來約同行問知爲謝鈞縣丞字岳秋考據之難如此在蘇買玉繡百餘元槃西告去寄衡書一紙與嶼船同泊

五日大晴晨發已至潯關買席嶼秋見過旋去吳門至無錫不能九十里而居人行者皆言百四十里蓋前有關時例停一日故加一站耳夕循縣城濠行上鐙乃泊西門接官馬頭因嶼秋先在招呼同宿也嶼因提碓坊米帳流水簿來至則已爲局提到釐局作弊如此附書文小坡

六日戊寅驚蟄晴晨過慧山未入港復令還行五六里從小金山入小溪